

OPTIEK
Oraslisted
San Nicolas

Spritzer
Fuhrmann

ARUBA ANSE COURANT



Diario



pa Aruba



The Beer That
Made Milwaukee Famous

ANJA 22

DIALUNA 5 DI JUNI 1961

Nr. 4052

ENCUENTRO HISTORICO ENTRE KRUSHEV Y KENNEDY

VIENNA 3 juni — Polis di Austria a hanja pamfleta dirigi contra Kennedy den becindario dje residencia di emba-hador Ruso, Avilof, na unda Kroetsjef ta hospeda. „Roosevelt a bende Europa oriental cu Stalin y Kennedy ke bende Europa occidental cu Kroetsjef, asina ta para riba e pamfletanan. No ta conoci ken a plama e pamfletanan aki. Hinter e becindario ta bow di guardia severo. Dos muher cu a trata na alcansa embahada sovietica cu un peticion dirigi na senjora Kroetsjef, pa nan esposonan hanja libertad, no a worde admiti. Ma un funcionario di embahada a priminti di hiba e respondi pa prome ministro Kroetsjef.

Hubileo entusiasma na yegada di esposos Kennedy na Swechat. Na aeropuerto Swechat, 15 kilometer for di Viena, president Kennedy y su senjora a ser saludada pa funcionarionan halto di Austria, entre cual, president Adolf Schaefer y prome ministro Gorbach. No obstante e hecho cu awa tabata yobe, president Kennedy a sali sin overjas for di avion. Un cantidad di mas cu cien hende a aplaudi e president. Tabatin mas cu cien hoben, cu tabata carga borch riba cual tabatin skirbi „bon-bini Kennedy“ y „hiza e cortina di heroe“.

Den auto cerra e parcha Kennedy y esnan cu ta compania nan a bai Viena. Tabatin polis tur caminda riba e ruta. E mesun un medidanan di precaucion tabata na vigor manera e dia anterior na yegada di Krutshof.

Na su yegada na Viena president Kennedy a bai directamente na Hofburg, bai paga un bishita di cordialidad na president Schaefer. Despues Kennedy a bai residencia di su emba-hador, Freeman Matthews, caminda nan tabata spera Krutshof tambe. E residencia Mericano ta situa banda di castel Schoenbrunn pafor di Viena.

Awe noch president Schaefer ta ofrece un banquete na Schoenbrunn, na cual ocasion senjora Krutshof lo topa senjora Kennedy pa di prome bishita. Tin 250 persona invita ne diner aki.

Krutshof y Kennedy a termina nan conferencia historico di dos dia.

Awe mainta mitar di diesna (ora Antillana) premier Krutshof y president Kennedy a termina nan conferencia historico di dos dia na Viena.

Awe e di dos dia di e conferencia e dos hefenan di estado a papia mas cu seis ora cu otro, un ora y 15 minut mas cu nan a estipula.

Despues di e reunion Krutshof y Kennedy a presenta riba bordes di e embahada Ruso.

E lider Ruso tabata muera cordial y a queda ta cuminda te ora cu e auto di Kennedy a desaparece for di don bista. E ultimo palabranan cu Kennedy y Krutshof a papia riba e bordes no a duna ningun indicacion tocante loke nan a discuti.

Comunicado Ruso-Mericano

E deliberacionnan entre Kennedy y Krutshof tabata un. Esaki nan a bisa den un comunicado Ruso-Mericano cu nan a publica awe. E dos lidernan a confirma nan apoyo pa un Laos Neutral e independiente. Krutshof y Kennedy a papia awe riba cese di pruebanan cu armanan nuclear. Nan a reconoce e interes di un cese eficaz di e enemistadnan na Laos.

E comunicado ta finaliza bisando cu e president y premier a dicidi pa mantene contacto tocante tur asunto nan cu ta di interes pa e dos paisnan y pa enter mundu.

Casi seis ora di deliberacion entre Kennedy y Krutshof

President Kennedy y premier Krutshof a papia ayera casi seis ora cu otro na e embahada Mericano tocante problemanan internacional, e.o. tocante Laos. Tur e dos hefenan di estado a papia casi tres ora largu den

Sigui lesa pag. 2



Tabatin hopi regalonan na fin di siman pa e ministro nobo Ernesto Petronia. Ariba: Sr. N. Schuit di D.O.W. ta entregando aki riba e regalo di personal di e Dienst-mentona. Abou: sra Schotborg ta entregando dos regalo na e ministro

Homenahe cordial pa Petronia durante fin di siman

PARRIETENBOS — Sociedad Beneficiencia Curacao, Comision 26 di Juli y Grupo Politico di Curazolenjona a forma un grupo diabiernes anochi den Centro Social Miramar na Parkietenbos, pa duna homenahe na un di nan compatriotanan, Ernesto O. Petronia, kende recientemente a ser nombra como Ministro den gobierno di Antillas Hulandes. E juna di Corsow tabata asina entusiasma y orgulloso cu e nombramento aki di e „homer cu lomba hancha“, manera nan a titule mas di un bishita, cu e agasajo di diabiernes, ultimo a bira un di e acontecimentonan mas placentera conoci te ainda den e Centro.

„Orgullo di juna di Corsow“

E palabranan aki riba bo por a contra den casi tur e discursonan corto cu e miembronan di tres agrupacionnan menciona mas ariba a expresa na direccion di e ministro nobo.

Sr. A. van Vuuren, presidente di e comision 26 di juli a jama e acontecimiento un dia grandi. Papiando di e recién nombracion cu su compatriota a hanja sr. Van Vuuren cu esaki ta un puesto cu e ministro a merece, pasobra el a traha pe. El a jama Petronia, un di e gran juna di Corsow, kende a traha hopi, no pa Corsow, sino pa Aruba.

Sr. Juan B. Wix kende ademá a actua como maestro di ceremonia a jama e acontecimiento aki un despedida cu alavez ta un jega. Despedida for di servicio insular y un jega den servicio di land. „Netto su man a jega den cada eis, na Aruba na unda tin jiu. Algo cu mama y papa cu tur nan carino no por a haci pa nan juna, el a haci: „ensenanza“. E orador luego a sigi conta di e tanto labornan cu sr. Petronia a haci riba terreno di ensenanza.

Na final di e parti oficial, despues cu tur e presentenan na nan manera a dirigi palabranan na e ministro nobo, sra. Schotborg a entrega e ministro dos regalos, den forma di un estuche cu articulo di toilet y un cigarillero cu e islanan Aruba y Corsow graba ariba. Tambe a ser entrega un documento cu mas o menos trinta firma di personanan cu ta forma directiva di e tres gruponan menciona. Riba e documento tabatin e siguiente teksto graba: „Grandeza ta resultado di labor honesto y sinceridad. Presenta na su Excelencia Ernesto O. Petronia den un acto di homenahe na ocasion di su nombramento como Ministro den gobierno di Antillas Hulandes. Aruba 2 di juni 1961, Grupo Politico Curazolenjo, Sociedad Beneficiencia Curacao, Comision 26 di juli.“

E ministro nobo a gradie pa e palabranan bunita y a priminti cu e lazonan entre e y e centro lo keda existi manera semper.

Despues cu e champaña a corre na ocasion di e nombramento grandi aki,

DIPUTADO HENRIQUEZ A REGRESA

ORANJESTAD — Diputado O. S. Henriquez a regresa Aruba diasabra anochi despues di e permanencia basta largo na Hulanda. Manera ta ser spera pronto e puestonan lo worde parti atrobe entre e diputadonan y esnan di finanzas, asuntonan social y di bienestar lo keda cerca diputado Henriquez.

EMPATE DEN VUELONAN DI RODEO

SAN NICOLAS — For di 1'or te 4'or y mei ayera tardi a tuma lugar riba De Vuyt Vliegvelde, patras di Lago Heights algun vuelonan di rodeo den cual a tuma parti un cantidad di 20 participante.

E vuelonan a ser haci den dos avion, un „Champion“ y un „Cesna“ di Aruba Flying Club. E contest aki a worde organiza pa sr. Bob Richardson, vicepresidente di Aruba Flying Club. E participante bula den nan avion na un altura di 100 pia mester a tira tres hom di santoc (sacnan jena cu santoc) riba un circulo di 10 pia marca riba e pista. Pa e hom cu cai net den centro di e circulo e participante ta hanja 100 puntos, pa e hom cu cai un poco mas leu ta hanja 75 punto y por ultimo pa e hom cu cai mas leu den e circulo ta hanja 50 punto. Ningun di e participante a logra raca e hom net den centro, pero despues cu tur e secretan a ser conta a resulta un empate den prome lugar. Cu un total di 150 puntos a keda empatia pareha F. Redden y R. Richardson y e pareha C. Mianji y G. Patton. Diadomingo awor na dos 'or un otro contest lo tuma lugar entre e dos parehanan menciona, pa dicidi kende lo termina den prome lugar.

Sigui lesa pag. 2

esnan presente, despues di a canta „Nos terra ta barranca“, pronto a cambia e acto oficial pa uno amical, den cual no por a falta algun partido di domino bon entusiasma.

Na D.O.W.

Diasabra merdia un gran parti di e personal di DOW a reuni den un di e salanan pa despedi di e ex-diputado, kende den su tarea tabatin hopi di haci cu e Dienst aki.

Sr. N. Schuit, hefe na DOW durante di un ceremonia corto, den presencia di e.o. Gezaghhebber Interino I. S. de Cuba, diputadonan F. Wernet, J. Erasmus, W. C. Anslin y secretario di isla L. C. M. Kerstens, como unico orador a menciona e meritonan grandi cu e ministro nobo a haci pa e servicio di DOW. Segun orador ta di dos bishita cu sr. Petronia a tuma despedida di DOW. Bini ocho anja el a drenta den servicio y a ocupa puestonan di tekenaar, opzichter, landmeter y oronnan mas y despues di 12 anja na 1940, el a laga e servicio aki pa den e compania di construcion particular busca un mihor futuro, como cu promocion den e tempo ey tabata mihor cerca DOW Sr. Schuit a observa com sr. Petronia su corazon a keda cu DOW y ta pesey no tabata nada extraño ora cu seis anja pasa el a bira diputado el a hanja e servicio aki, cu ta un di mas grandinan, bau encargo.

Tambe orador a muestra riba e bon cooperacion cu semper tabata existi entre e firma di construcion y DOW. Sr. Schuit a muestra tambe com e ministro nobo semper tabatin un bista habri riba e interesnan di Openbare Werken y e dificultadnan semper tabata worde elimina na un manera calm.

Na number di e personal el a entrega na final e regalo di henter e personal: un cigarillero di plata pa lesse-naar. Na un manera unico e ministro a papia cu e personal „resente gradicidonnan pa e cooperacion grandi cu semper el a hanja den e anjanan cu el a sirbi e insular. Cerbez frui y otro bebidanan a forma e parti final di e despedida aki.

TRES TIRADOR DI PIEDRA DEN CEL

ORANJESTAD — Durante diabiernes cu diasabra recherche di Oranjestad a logra pone man riba tres hoben kendenan diabiernes anochi a tira piedra kibra glasan di bentananan di e consulado Dominicano na Socotorro. Diabiernes recherche a detene un tal L. O. y un tal E.P. y diasabra a bini numero tres acerca, F.R.

No ta tur e tres hobennan aki ta Dominicano y tin un di nan cu a nace na Aruba. E investigacion di pa mira si tin mas culpable ta siguiendo keto bai. E tresnan aki por lo pronto lo keda deteni.

FATUM — Tel.: 1845 pa tur bo aseguranan

AUTO A DAL DAMA

NOORD — Ayera tardi pa 1'or riba caminda di Oranjestad pa Noord dama di 25 anja I.M. di Corsow, kende ta pasando algun dia aki, a bira victima di un accidente di trafico.

E auto cu a dal e dama, A-2458, tabata maneha pa G.K., kende tabata bau di influencia y ademá a corre bai cu e auto despues di e accidente. E chofer aki ademá no tabata den posicion di un rijbewijs. E dama M. a worde hospitaliza cu un hersenschudding pisa y cu su braza robez kibra na diferente caminda. Pa 2'or ayera tardi polis a detene e chofer y a ponele den cel te ora su burocheria a pasa.

ELECCION DI LAGO 1-2 AGOSTO

ORANJESTAD — For di fuente nan digno di confianza, nos a hanja tende cu e eleccionan di bondanan di obbrero na Lago lo tuma lugar dia 1 y 2 di agosto venidero.

JAN DE HARTOG NO TA BINI

ORANJESTAD — E conocido escritor Hulandes Jan de Hartog, kende lo mester a bini Aruba den cuadro di e Siman di Boeki, diasabra ultimo pa motivo di circunstancianan den familia, di repente mester a regresa Hulanda. E comision di siman di boeki di Aruba awor lo acerca sra. Fabricius y Vogel cu e peticion pa tuma na nan encargo e programa di Jan de Hartog diazaron anochi den Basiruti.

Durante Lago Party Ritfeld a duna di conoce e programa di I.O.W.U.A.

“Murray; LEC a presta hopi”

PALM BEACH — Diasabra anochi a tuma lugar riba teraza di e barbecue-pit di Aruba Caribbean Hotel e tradicional „Staff and Representatives“ party di Lago. E fiesta, cu principalmente e anja aki, tanto pa loke ta toca e cantidad di hendenan presente como e programa ta solamente un fraccion di loke tabata e costumber den e tempo bon di antes, a carga e caracter di un clausura. E fin cu ta acercando di e forma aki di representacion di empleado nan tabata notable tanto den e discurso di sr. W. A. Murray, di e directiva di Lago como den esun di sr. F. H. Ritfeld, presidente di e Lago Employee Council.

Despues di un cocktail riba e teraza di recepcion di e hotel, e maestro di ceremonia Juan B. Wix despues di un corto introduccion a pasa palabra na senjor Murray, kende entre otro a bisa lo siguiente:

Hopi a ser logra

En realidad, e beneficiacionan logra pa empleadonan di Lago door di boso clase di representacion den e ultimo bini-cinco anja — y mas en particular den e ultimo diez anja — ta yena un lista demasiado largo pa por duna hopi delaye den un charla manera esaki. Nan a cubri un gran cantidad di asuntonan, for di tarifa di pago te transportacion pa overtime; for di e cantidad di dianan di vacation te

lunch pa overtime; for di beneficio pa desabilidad; te pago minimo pa yamada pa bolbe na trabao; for di compensacion di layoff te abono pa trabao di warda.

Esakinan, y un gran cantidad mas, ta cosnan solido y concreto cu hoso a logra. Algun di nan ta di e clase cu empleadonan por mira, por sinti, cada bez cu nan bai na e bentana di pago. Otronan ta di e clase cu ta afecta nan solamente ora algo special ta socede cu nan, manera ora nan ta bai cu vacation of ta malo of ta traha overtime. Un otro punto ainda ta e excelente programa di sport cu ta duna berdadero placer na hopi miles di hende.

Loke hoso a logra den tur e asuntonan aki tabata notable.


Bon representacion

Tin otro clase di cosnan logra cu no ta asina evidente, pero cu a lo largo probablemente ta di mes tanto importancia.

Uno di e tareanan mas vital di bon representacion ta pa refleta e opinionnan di constituyentenan. Esaki ta casi mescos cu ora nos ta papia tocante e Parlamento Britanico, of Congreso Americano di gruponan industrial manera di nos mes.

Bosonan no ta agentenan liber. Boso ta mara na e empleadonan cu a eligi boso. NAN, e empleadonan, ta boso preocupacion grandi. Siendo esaki e caso, un aspecto di boso trabao — podiser esun di mas grandi — ta pa yuda directiva pa conoce e pensamentonan, sentimentonan y deseenan di tal empleadonan. Esaki ta realmente e carazon di bon representacion, y esaki tur otro cos ta depende di esaki.

E otro banda di e medaya, y uno cu no por worde desmida, ta cu un bon representacion ta actua tambe den e otro direccion. E importancia di boso influencia ariba boso constituyentenan no por worde considera minimo. E de



Sr. W. A. Murray, di e directiva di Lago ta un di e personanan cu a dirigi palabranan ariba e Representante di empleadonan di Lago durante di e party diasabranan anochi.



Barbara MacNair tabata e artista cu diasabra noch durante di e Lago Representative Party den A.C. Hotel a entretere e presentenan na un manera masha estupendo cu cancionnan.

lo mihor representacion frecuentemente por haya necesario pa yuda tene constituyentenan consciente di e „hechonan di bida“... di e condicion di e negocio cu cual nan ta trata... di e interes comun cu mester worde tuma na cuenta den homi casonan di negociacion ora e mayor interesnan di empleadonan, compania y e resto di Aruba mester worde considera.

Mi ta contento di por observa cu boso a haci boso tambe den e clase di acoyimiento aki.

Den e respecto aki, boso ta actua como un brug, yudando trece empleadonan y directiva huntu ariba tereno di acuerdo y comprension. Boso por a nota cu mi a usa e palabra „brug“.

Un brug mester worde conecta na dos banda sino e no ta vega ningun parti. Sin e conectacion na ambos banda, lo e ta un clase di vacuum.

Na e banda di directiva, boso brug tin conectacion excelente pasobra representantenan y directiva ta mantene contacto personal estrecho. Nos ta



extra refreshing iced tea instantly with cold water!


NESTEA is a modern, instant form of 100% pure tea — Selected Orange Pekoe and Pekoe teas in a delicious blend. Dissolves completely in cold water! No water to boil, no messy tea bags or tea leaves. Try it's hot too... it's delicious!



No more melted-down ice cubes! No more watered-down flavor!

NESTEA 100% pure — Instant tea

**AWOR BO POR CUMPRAR
REFRIGERADORA MARCA
„ELECTROLUX“
di corriente**



Di FI 350.—cash pa'riba
Gran facilidad di pago.
ARUBA TRADING CO.

VERF ANTILLANA



pa cada trabao di verf

**COMOTEX
COMOFAT
COMOLUX**

Calidad especial pa trópico —
especialmente na gusto antillano

Obtenible na:

**Antillean Hardware Store
Aruba Trading Co.
Maduro & Sons**

**Pa mehor recepcion:
T.V. EMERSON**



Modelo 1644

Cu su pantalla gigante di 23"

Tur modelo ta garantiza:

- * imagen cla.
- * facil pa handle
- * material fuerte
- * sonido perfecto

ARUBA TRADING CO.

**SIMAN DI BOEKI 1961 NA
ARUBA TA CUMINZA
MAJAN ANOCHI**

ORANJESTAD — Y asina anto ta cuminsá unan, diamars 6 di juni e Siman di Boeki na Aruba parti anochi pa 8'or y 15 den Centro Cultural. Hopi trabao preparatorio a ser haci caba pero loke cu e comision di Siman di Boeki na Aruba ta presenta pa nos sigur, ta vale la pena. Te ahinda no a socede cu dos literario di nonber tabata huestes di Aruba. Jan de Hartog kende tambe nester a tuma parti na e siman literario aki pa notibio di enfermedad repentina di su mama a regresa Hulanda diasabra u.p.

Diamars anochi Albert Vogel Jr. ta actua. E ta e declarador mas conoci y mas aprecia di Hulanda. E anochi aki ta cuminsa pa 8'or y 15 y e lo ser alavez tambe e apertura oficial. Nan lo tene un pauza e comision di Siman di Boeki lo ofrece na tur hende presente durante di pauza un kofie cu bolo gratis. Ademas nomber di e ganadornan di e concurso di portret lo worde anuncia, mientras cu e fotonan manda aden lo worde exhibi den foyer di Cultureel Centrum. Despues di pauza Albert Vogel Jr. lo continua cu su declaracionnan.

Generalmente ta reina e pensamiento cu Diazon lo tin algun hendenan decepciona na Aruba. Pero no spanta, esnan cu a scucha Vogel diamars anochi, sigur lo no pertence na esnan decepciona. Pero esnan cu no a bai, lo keha. „O, si tabata asina bunita, ki lastima cu mi no a bai tenele“. Pesey bo no mester laga sin bai diamars anochi.

Diahuebs lo tuma lugar algo nobo pa Aruba, es decir e mercado di Boeki. Cada hende tin e oportunidad pa manda su boekinan leza aden. Pa cada boeki tin un vale y cu e valenan aki bo por paga e boekinan cu bo compra durante di e mercado di boeki den Basiruti. Diahuebs atardi di 4'or pa 6'or lo tin un mercado di boeki especialmente pa hubentud.

Durante di pauza e mercado di boeki lo worde tene den Basiruti pa adultonan, mientras cu alavez lo tin oportunidad pa laga firma e boekinan di Johan Fabricius.

Diasabra anochi pa 8'or y 15 Johan Fabricius lo papia riba „De Levensreis van een Romanschrijver“.

Despues di e lectura e resultado di e concurso di Portret lo worde anuncia. E Siman di Boeki lo worde conclui cu un Boekbal den Hotel Strand, na unda e conocido banda „Caribbean Ambassadors“ lo actua.

Lo ta un anochi alegre den Strand y nos kier spierta nos lectornan di an-

**Principe Soevanna
Phoema ta bai
Geneve**

VIENTIANE, 4 juni. — Principe Soevanna Phoema, ex-prime minister neutralista di Laos, tin intencion di bai d'arazon di diahuebs na Geneve, pa duna su pueto di vista na conferencia internacional tocante Laos. Si tur cos bai bon, anto su tuman, Principe Soevanna Veng, lider di Pathet Lao, lo bai cerca dje despues.

Principe Soevanna Phoema a bisa, cu e ta dispuesto na topa cu principe Roen Oem, e lider actual dje gobiernu derechista, sea na Geneve of den capital di Cambochia. Lider dje gobiernu derechista ta Phom Penh.

**Convair B-58 a
cai na Lebourget**

PARIS, 4 juni. — E avion Convair-B-58, e avion di bombardeo di Merca cu siman pasa a cruza Atlantico den e tempo di tres ora y diecinueve minit (record nobo) a cai banda di Lebourget. No tabata mesun tripulacion cu a kibra e record tabata manja e avion e bishia aqui. E avion tabata participando na e un demostracion na ocasion di e exhibicion internacional di aviacion.

temano, cu kaarchinan di entrada diasabra anochi pa e lectura den Centro Cultural lo sirbi alavez como kaarchi di entrada pa e Boekbal.

En cuanto e mercado di boeki nos kier informa ainda cu cada hende por eumpra boeki aya, tambe esnan cu no a manda boekinan leza aden. Solamente nan no por paga cu valenan y pa nan e siguiente prijsnan ta valido: Pocket-books 45 cts., boekinan di mucha 60 cts., roman y storianan 75 cts.

Ta di prome biaha cu na Aruba e Siman di Boeki por worde haci asina grandi, gracias na e cooperacion di e directiva di ANV, Bestuurscollege y Aruba Boekhandel. A nace un cooperacion cordial entre Aruba Boekhandel y ANV, door di cual tabata posibel pa entrega na e publico di Aruba e programa asina extenso aki.

Entretanto a sali un boeki di programa masha netchi riba e siman di boeki na Aruba, lo cual ta worde entrega gratis na cada hende. Bo por hanjele na Aruba Boekhandel, Aruba Post y Biblioteca Publica, Sra. Schaap na Savaneta y sr. Van Velzen na Seroe Colorado.

Finalmente nos kier hata atencion di nos lectornan pa di tur modo no laga di presencia e vitrina pa e siman di boeki na Aruba Boekhandel.

deracion di e individuo posibel. Ariba e camina aki tin exito. No tin mehor manera pa mantene boso esfuerzo concentra ariba loke, despues de todo, ta boso herdadero tarea — representa empleadonan di Lago.

Sr. Rittfeld, kende despues a hanja palabra, ta referi den historia. El a cuminsa cu boso cu for di un anja pasa caba na un ocasion similar, el a bisa cu e tempo pa LEC busca un otro sorto di representacion ta acercando, y cu su miembronan lo pasa pa un organizacion independiente. Esaki en bista di tempo cu ta cambia y cu mester ajusta na e evolucion. Con esaki tabata e caso durante ultimo 25 anjanan orador ta mustra claramente. Na 1936 Lago a nombra algun representante na e empleadonan pa e empleadonan pa defende interesnan di e empleadonan. Na 1937 e empleadonan mes a elibi pa di promer bez nan representante, tabata pa e Employee Advisory Committee. Na 1949 tabata necesario atrobe pa tene paso cu e tempo y a ser elibi e LEC door di e empleadonan, cual denter poco tempo lo no existi mas. LEC den cooperacion cu e District Representatives, e Special Problems Advisory Committee (SPAC) y e directiva di Lago Sport Park, a organisa e Independent Oil Workers Union of Aruba. „E nomber ta papia pa su mes“, orador ta continua. „LO WUA lo ta independiente di Lago, di politica y di organizacionnan internacional. Motibonan pa esaki ta masha cla. Nos ta desea pa nos miembronan den futuro lo por di di di nan propio hehonan, sin algun intervencion of presion, directo of indirecto di cualkier outsider.“ Riba esaki senior Rittfeld a participa e punteron principal di e programa di LOWUA:

1. Un siman di trabao cu menos ora cu mantenimiento di salario;
2. mejoracion di pagona di pensionfondos;
3. previsionnan pa entrada regular na famianan despues di morto di un empleado;
4. e posibilidad pa bai cu pension na un edad mas prematura;
5. ayudo financiero door di compania pa stimula construcion di cas propio, cu e libertat na e empleado pa e mes di di e lugar, e tamaño, e modelo di e cas cu e ta desea;
6. liberalisacion di e spaarfonds;
7. mantene e salarionan na e costo di bida cu ta aumenta.

„Nos ta sigur“, asina e orador, ta bisa, „cu un representacion decisivo a den firme union por logra tur e proposicionnan aki y otro tambe den venidero negociacionnan cu directiva. E trabao cu nos ta haci ta di sumamente gran importancia, no solamente na e empleadonan, pero tambe pa henter e comunidad.“

Despues di e discursonan tur e presentenan a acendi na e barbeque-pit di e hotel, na unda George Fasola y su orquesta, hunta cu un fila di kokki tabata prepara pa ricibi e presentenan. Tabata un reunion agradable, cu despues di George mas quizek di Ted Huston (Bali Bar) Trio y e cantante Barbara MacNair.

Por ultimo tabatin un conchunto local „Creole Cats“. Pa nuchor en punto e fiesta a caba.



Esaki ta Kayoko Sakurat, Miss Tokyo 1960, kende tambe por ser mira awe nochí durante di e grandioso show Japones den Centro Cultural.

**Yegada di Gobernador
Speekenbrink na Schiphol**

Rotterdam. — Awe mainta gobernador y senjora A. B. Speekenbrink a regresa Hulanda a bordo di e bapor „Staten-dam“. Gobernador Speekenbrink mas cu cuater anja tabata gobernador di Antillas y awor e ta „ciudadano sin trabao“ asina el a bisa cu un sonrisa. Overl a bisa di no tin un idea quen lo ta su sucesor. Aquí na antillas mes tabata corre e rumor cu e actual gezaghebber di Corsou, senior M.P. Gorrira lo bin ocupa e puesto ey, pero con leu e noticia aquí ta berdad senior Speekenbrink no tabata sa. Tambe pa loque e conferencia di mesa rond senior Speekenbrink no ta entre-mete ya cu e no tin nada di haci cune. „Aunque cu semper mi ta dispuesto pa duna conseho.

Den ultimo anjanan tabatin un mi-hor comprendemento entre Antillas y Hulanda. Nan a yega na un mi-hor entendimiento riba terreno pa ayuda economico y financiero. E problema mas grandi na Antillas ta keda naturalmente desempleo y e poblacion cu ta aumentando dia pa dia mas tanto. Pa esey ta necesario pa atrae turismo y industria. Na Hulanda nan ta sinti hopi pa esaki y nan ta mira esey na Antillas tambe. Un otro asunto ta cu actualmente den situacion intransigible na Caribe e mayor di reino Hulandes ta sobresali y mi ta kere cu mi por bisa na Antillas nan ta hui ta compendando mas y mas y posibilidadnan di estatu. Nan no ta mire mas como algu oligatorio, y nan ta di opinion cu lo mas mi-hor delibera tocante interpretacion di cierto articulon cu modifica nan. Te asina leu gobernador Speekenbrink na su yegada na Hulanda.

**Preguntanan haci pa prensa
na Gobernador Speekenbrink**

En conexion cu preguntanan dirigi na ex-gobernador Speekenbrink e kestion di contrabando entre Venezuela y Antillas Neerlandes tambe a ser menciona. Senior Speekenbrink a bisa: „Semper ta e mesun problema, actualmente situacion ta mustra mas calmo. Segun mi opinion, e problema por ser solucionado unicamente pa medio di colaboracion entre autoridadnan di Venezuela y di Antillas Neerlandes. Principalmente pasobra no ta for di Antillas, so ta sali pa contrabando. Mi mester bisa acerca, cu autoridadnan di Antillas ta haci tur loque nan por pa reduci e contrabando aki y si ta posibel elimine.“

Antillas a hanja un sla, awor cu turistanan cu haci compras na Antillas ta hanja importacion liber te solamente 100 dollar di mercancías na lugar di 500. Ki consecuencia esaki por tin no nos bisa ainda. Ma ta un hecho, cu Puerto Rico y maagden-eilanden (Islanan Virgines) no ta cai bao dje medida aki, y di tal manera nan por forma gran competencia pa Antillas.

E inquietud cu ta reina actualmente den region di Caribe ta menos agradable, pasobra esaki ta stroba turismo loke ta un fuente di entrada importante pa Antillas.

Senior Speekenbrink ta considera como un factor positivo, e industrialisacion cu ta desarolla na Aruba. Esaki orifica un progreso importante den extension di actividadnan economico, otro problema importante den Antillas ta hubentud.


Den e caso aki no ta mucho mas cu mil herida, y mei ta optimista, cu esaki lo logra tambe agradable cu hobennan di Antillas lo por a hanja un lugar di empleo den Koopvaardij Hilandes, pero e diferenciacion di pago ta forma un problema.

Den e declaracion ta ser bisa, cu Nieuwe Haven di Corsou lo worde produza y lo bini facilidatnan pa hunkender.

Tambe na Arua nan lo mehora hantnan y nan ta trata na desarolla terreno di industria. No ta directamente necesario cu mester bini empresanan grandi na Antillas, esnan chikito tambe ta yuda. Senior Speekenbrink mustra masha optimismo tocante islanan ariba caminda en berdad turismo ta desarolla mas y mas. Na Bonaire nan a emigrasa eoba fundeshi di un hotel nobo. Sr. Speekenbrink a constata for di conversacionnan cu Mericanonan, cu nan tin gran aprecio pa e orden, y calmo y derecho juridico cu Antillas tambe tin. Mi ta spera cu e bon impresion cu nan tin di Antillas na Merca, lo contribui na resultadonan util pa Antillas. Nan ta bisa, cu na Corsou lo bini un estacion di cable di „Tel and Tel“.

Gobernador Speekenbrink a papia cu gran aprecio tocante dje despedida cu el a hanja e afecto cu nan a mustra na su persona na ocasion ey. Mi despedida a tuma lugá yen di carino. Esaki ta un prueba con bon e lasonan entre Antillas y Hulanda ta actualmente.

DENNIS DE SCHRIK VAN DE BUURT



„Pst... Hey... pst... ga je echt slapen?“

„Pst... Hey... pst... bo ta bai sonjo di berdad?“



GLAS NOBO DI PROPAGANDA

a cada di jega na

**LUX STORE — ORANJESTAD
ACME STORE — SAN NICOLAS**

Bin busca di bo na tempo pasobra e cantidad ta chiquito!!!

**ACUMULADOR
WILHELM HAGEN**

pa tur uso.
Boto — auto — motocicleta.
GENERAL STORE
di C. L. Juliao.
Oranjestraat 26

TEL. 1637 RONDWEG 49

**Bloemenhuis
ROZENoord**

pa
CUMPLEANJOS
Laga un experto haci bo trabao

CEMPRO N.V.

Wayacka — Tel: 2444

PA TUR BLOKEI Y CABAJETA
CEMENT DI PRIMERA CALIDAD

**ENCUENTRO HISTORICO DI
KENNEDY Y KUTSHEV**

Cont. di pag. 1

presencia di solamente nan interpretacion.

E otro oranan e minister di asuntunan exterior tambe tabata presente. E hefe di prensa di Casa Blanca, a bisa cu e conversacion tabatin un caracter cordial. Ayera nochí president y premier Krutshof a topa na un comidita ofrede door di e president di Austria, Schaerf. Mas o menos 1.250 persona a asisti na e comidita. Despues di e comidita tabatin muziek y representacion di ballet pa e huestednan. Awe e deliberacionnan entre Krutshof y Kennedy a ser continua na emba-hada Ruso. Entre otro nan a deliberave riba e problema pa prohibi pruebanan cu arma nuclear, des-arma, y e problema Berlin.

Segun nan ta bisa e dama periodista conoce Krutshof personal.

**Campeonato Ant. di bridge:
PAREHANAN DI ARUBA
MAS ARRIBA**

ORANJESTAD — Diasabra anochi a principia den restaurant Trocadero e campeonato Antillano di Bridge en-

puntos Diasabra	puntos Domingo	Total
1. Groeters—Dijkhout	142½	143½
2. Srs. Bosman—Zonjee	135½	131½
3. Fam. Volmer	114	140½
4. Fam. de Vries	106	140½
5. Hr. Ooms—Tuineberg	122	122
6. Fam. Van den Brink	116	115
7/8 Srs. Ralferty—v.d. Ven	114½	116
Srs. Goetzel-Lemmens	123	107½
9. Srs. Vocks—Van Grinsven	128½	88½

Tur e parehanan aki riba, cu excep-cion di Goetzel-Lemmens, ta di Aru-

tre 8 parcha di Corsou y 8 parcha di Aruba. E partidonan tabatin un curso masha animado. Diahomingo mainta 9'or e segundo partido a tuma lugar, despues di cual partido e hungadornan a bai hunta pa Pova Beach, na unda un agasajo formal a tuma lugar den e club di polisnan. E resultadonan di e dos weganan hunga na Aruba ta lo siguiente:

puntos Diasabra	puntos Domingo	Total
106	106½	212½
109	102½	211½
102	102½	204½
112½	90½	203
92	100½	192½
78	98	176
90½	82½	173

E ultimo parehanan aki tur ta di Corsow. E campeonato Antillano ta continua dia 1 y 2 di juli venidero na Aruba.

Corsow. Sr. Groeters y Dijkhout manera ta conoci ta e campeonnan di Aruba.



PELICULA NOBO DI KRAMER TA SER HUNGA DEN RUINANAN DI BERLIN — E cineast Aleman Stanley Kramer cu ta ocupa cu filmacion di su producto di mas nobo „Oordeel in Neurenberg“. E ta parce un dje pelicularnan di mas bunita di nos ultimo temponan.

18 JUNI VADERDAG

verwen vader met een cadeau van
LA VENEZOLANA — TIENDA MIREP

VANAF HEDEN TOT 18 JUNI

SPECIALE KORTINGEN

**15% op alle hemden en
10% op alle andere artikelen**

Bovendien bij iedere aankoop van Fl. 15.— een echt
lederen portemonnaie cadeau.

Doe Uw inkopen voor vaderdag in Aruba's beste heren-magazijn. Voor Italiaanse schoenen, mooie daaron-pantalons, alle soorten hemden, dasen, riemen enz., luist het antwoord!

LA VENEZOLANA — TIENDA MIREP

CISCO KID

1. "No tira, mi ta entrega mi mes." 2. "Panchito cu Maria, hosiunan por sali." 3. "Mas Despues, 'Ta bon mes cu ho a haya un otro salida." "Si no Panchito a bira un millonario morto."



JUAN EL INTREPIDO

1. "Mi no ta quibocani Srita, mi a llega di haci e biache aki hopi eba. mi ta bisabo cu nos ta bayendo un mal direccion." "Pa favor Senyor, pa bo tranquilizabo mi ta bay papia cu e piloto." 2. Den e cabina. "Mi no por permiti pa bo haci e cos ey Drexel... ademas mi ta hihando pasajeros... mi ta bay bira." "Pues, ta duel mi, Tomas." 3. PAM



DICK TRACY

1. Examinacion di tanta Soso su apartamento ta leeuw di loke e ta muestra. 2. "Ela bisa cu e tabata na Europa te na February dia 4. E cria di e hotel a muri dia 22 di January." 3. "Francamente, gos no tin ningun prueba cu por declara e sospecho, Tracy." 4. "Kiko esey ta, Sam?" "Ta un poco coranti bieuw."



RIP KIRBY

1. "Kiko lo pasa Srita. Lamont, si mi bisa cu mi no a haya ningun spoor di ho." "Ta masha simple mi lo keda akinan." 2. "Secondi di e mundo lo mi pasu mi bida, sin cu ningun hende lo bolhe ofendemi." 3. "Bon ta haci pica di ta coharde." "Esey ta loke mi ta desen, pa favor, hacielo."



EL PRECIO DEL TRIUNFO

1. E mainta den e hospital. "Toer cos lo sali bon Sra. Boswor, cu Dr. Bonnier na su lado, Mueller sigur lo salba Jessica." "Claro cu si." 2. "Trece mi handchoenan, Zuster." "Si Dokter." 3. "Bisa Dr. Mueller cu mi ta cla caba." "Si Dr. Orwig"



EL DIARIO DE UNA VIDA

1. "Bo sa pakiko e muhernan ta lloira na un bruid. Tu to? Nan ta lloira di envidia, envidia pasobra no ta nan ta casa y ta bay." 2. "Ayo, Tula... Chito. 3. "Mi ruman tey? Mi mester di su lomha pa mi lloira. Shh... Tin un reunion, pero ya e ta serca di cla."



PEPITA

1. "Mi tin mester di 50ct Papa, no molestabo, mi mes ta coquele." 2. "Mi mester di 10 florin Lorenzo." 3. "Ay, ho no tin mas cu 8, mi mester conformami cu ne." 4. "Ora Ciqui hin pa su placa e mester tuma un cheque."



DESAGUSTONAN DI RAZA NA ALABAMA — Gobernador di Alabama a proclama estado sitio na Montgomery, ora cu diferente cien blancu tabata na camina pa un misa den cual e lider neger dr. Luther King lo a predica. Poliznan a aplasta e asalto ei cu gas lacrimogeno. Na un choque entre blancu i neger como seis neger a ser herida, di cualnan tres gravemente. Portret ariba: Mientras nan tabata saca lagrimanan foi nan wowo i tabata ten un lensu dilanti boca i nanishi, e negernan a bandona e templo. Portret abao: Un estudiante neger ta hanja aqui un bon aire di zota e cerca un paar di blancu.

Reunion pa examinacion di acusacion di Guatemala

WASHINGTON, 2 juni. — E consejo di e organizacion di Estadonan Mericano lo reuni den un sesion extraordinaria awe tardi, riba peticion di Mexico, pa examina e acusacion di Guatemala relaciona cu e intencion di Mexico pa invadi Guatemala.

Inquietud serio na Washington

WASHINGTON, 2 juni. — Merca ta manifesta un inquietud serio, despues di e rumores cu no ta confirma ainda, segun cual nan ta bai tuna medidanan extrema di represion contra e adversarionan di e regimen actual, asina un portavoz di e departamento di estado a declara.

Bom a explota den tas di un muhe na Oran

ORAN, 2 juni. — Awe mainta un terrorista a bota un bom den un tas di compra cos di un muhe na Sidi Bel Abbas, ora cu 8'or di mainta e tabata bai plaza. E victima cu no tabata pensa nada a resulta gravemente herida y tambe cuater persona otro, entre nan dos mucha cu tabata bai un school pega.

Ta reina calmo i tranquilidad na frontera di RTC na La Haya

DEN HAAG, 2 juni. — Na frontera di e conferencia di mesa rondo ta reina e dianan calmo i tranquilidad. Esaki ta muestra asina alomenos.

E proximo reunion plenaria lo ta manera ya nan a anuncia anteriormente: te dialuna awor mainta mitar di diez.

Entretantu enter e delegacion di Surinam a reuni awe na Hotel Grand

na Scheveningen durante tres ora. Tambe e delegacion Antillana a bolhe studia e asunto cu un biaha mas.

Por lo demas e ministerian di e delegacionnan a haci uso di e oportunidad pa delibera cu nan coleganan tocante diferente asunto.

Asina minister Isq tabata na un conversacion fructuoso cu su colega Berman tocante e asunto bieu pa completa corte di husticia na Antillas y otro problemanan pendiente.

Sucesor di Hitler ta na bida ainda

WASHINGTON, 2 juni. — Den un entrevista cu un periodista di "Washington Post", Nikolas Eichmann, yu homber di 23 aña di Adolf Eichmann cu ta ser huzga na Jerusalem, a bisa cu sucesor di Hitler Martin Bormann ta na bida ainda.

E hoben Eichmann, kende ta na Washington actualmente a bisa cu Bormann no ta asina pover manera su tata tabata antes. Ma mi no ta bisa si unda Bormann ta biba. Hasta huidonan cu ta poseer millones di dolar lo no por hanja Bormann. Den su declaracion Nikolas Eichmann a bisa tambe, cu e ta na Merca pe skirbi un buki en colaboracion cu un periodista.

Rusia a ser parti den 17 territorio economico

MOSCU, 2 juni. — Union Sovietica a ser repartí den 17 territorio economico nobo. Esaki na interes di un desarrollo harmonico di e economia nacional, asina e agencia Ruso di noticia Tass ta informa. E plan ta trece formacion nobo di organizacion di e direccion economica y ta ofrece posibilidadnan grandi pa coordina tur ramonan di industria, segun e participacion.

Den e antiguo regimen economico den cual Union Sovietica tabata parti — en total diez — e cantidad di poblacion tabata varia di tres te 45 millon, ma awor, ningun region lo tin mas cu 25 millon.

HOROSCOOP

ARIESNAN
11 Maart — 21 April



Influencia di amiguanan lo haci fuerte presion ariba bo. Corda usa tactico.

TAURISNAN
21 April — 21 Mei



Anochi ta e mehor momento pa bo tuma contacto cu otronan respectu bo desean.

GERMINENAN
21 Mei — 21 Juni



No danja e dia di awe door di pleito, kestion of cosnan por estilo. Corda esaki bon.

ANCERNAN
21 Juni — 23 Juli



Asuntunan di cas y familia ta goza e weekend aqui di preferencia. Anochi ta trece exilio.

LEONAN
23 Juli — 23 Augustus



Awe ta un bon dia pa bo hobby of preocupacionnan artistica of creacionnan.

VIRGONAN
23 Augustus — 23 September



Bo partner y otronan tin mehor idea cu bo di loke ta depende ofe weekend aqui.

LIBRANAN
23 September — 23 October



Permiti bo mes tempo na huzga mentu di plannan, proposicion of documentonan.

SCORPIONAN
23 October — 22 November



Bo sintimentu y proceder ta haci gran influencia riba hendenan den bo ambiente.

SAGITARIUSNAN
22 November — 21 December



Larga otronan ofrece nan parti den trabao, tempo of placa no trata na haci tur cos bo sol.

APRICORNIUSNAN
21 December — 20 Januari



E oranan di anochi ta esnan di mas mehor pa bini na un decision den asuntunan personal.

ACUARIUSNAN
20 Januari — 19 Februari




Tin bon aspecto pa compronan. Bo n' ta salí facilmente enganja.

PISCES
19 Februari — 20 Maart



Larga e weekend aqui bai tranquilo y warda bo di enasha babel of cansancio espiritual.



CONFERENCIA NA EVIAN — Riba e portret na izquiera nos ta mira e delegacion frances na su yegada na e hotel Du Parc. Na izquiera den e entrada cu cara pa e camara nos ta mira Jose para. Na derecho: De Leusse. Riba e portret na derecho: E delegacion algerino; di izquiera pa derecho Saud Dalheb, Ahmed Francis, Belkacem Krim, Medjeli Boulahrouf i Boumendjel.